



Aningaasaqarnermut Naalakkersuisoq

Ulloq: 18. december 2020
J.nr.: 01.31.06/20-00916

Aningaasaqarnermut Akileraartarnermullu Ataatsimiititaliap pingasunngornermi ulloq 16. december aalajangiineranik Naalakkersuisunut ilisimatitsineq.

Suliffissaqarfimmi 40-mi atuinerusimanagerup atuinikinnerusimanagerullu kingunerisaanik missingersuutininut sunniuteqaangitsumik nuussineq issittumilu maskinmesteritut ilinniartitaanagerup aningaasalersorneqarnissaanut inissitsiterineq - Suliaq nr. 01.31.06/20 – 00916

”Naalakkersuisut inassutigaa,

- konto pingaarneq 20.11.70-imut Suliniutininut nutaanut sillimmatit aningaasaliissutit 2.550.000 kr.-nik ilanngarneqassasut, aamma
- konto pingaarneq 40.91.27-mut Teknikkimik Ilinniarfik aningaasaliissutit 2.550.000 kr.-nik ilaneqassasut, aamma
- konto pingaarneq 40.94.28-mut Nunatsinni tusagassiutininut naqitanut suliniutininut tapiissutit aningaasaliissutit 527.000 kr.-nik ilanngarneqassasut, aamma
- konto pingaarneq 40.94.29-mut Nunatsinni tusagassiutininut naqitanut ingerlatsinernut tapiissutit 527.000 kr.-nik ilaneqassasut, aamma
- konto pingaarneq 40.02.01-imut Ilinniartut Ineqarfiisa Allattoqarfiat aningaasaliissutit 3.500.000 kr.-nik ilaneqassasut, aamma
- konto pingaarneq 40.94.17-imut Kalaallit Nunaata Radiua – KNR aningaasaliissutit 1.160.000 kr.-nik ilaneqassasut, aamma
- konto pingaarneq 40.91.03-mut Pikkorissartitsisarnerit aningaasaliissutit 4.660.000 kr.-nik ilanngarneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Konto 40.94.28 ”Nunatsinni tusagassiutininut naqitanut suliniutininut tapiissutit aningaasaliissutit” ukioq manna (2016, 2018 aamma 2019 assigalugu) ikilineqaqqittut Aningaasaqarnermut Akileraartarnermullu Ataatsimiititaliamit maluginiarneqarpoq, tamatumunngalu ataatsimiititaliaq ima apeqquteqarumavog:

1. Tapiissutit pilersinneqarmatali qassit aningaasaliiffigineqarnissamik ukiumut qinnuteqartarsimappat?
2. Qassit tapiissutitut aningaasaliissutinik ukiumut pissarsisimappat?
3. Kontomi siunertaq allatut naapertuuttumik aaqqinneqarsinnaava?

Kiisalu konto 40.91.03-mut, "pikkorissartitsisarnerit", aningaasaliissutit 4.660.000 kr.-inik ikineqarnissaat kissaatigineqartoq Aningaasaqarnermut Akileraartarnermullu Ataatsimiititaliamit maluginiarneqarpoq. Tamanna tunngavigalugu ima apeqquteqarnissaq ataatsimiititaliamit kissaatigineqarpoq:

4. Sulisut ataatsimoortukkuutaat sorliit 2020-ip ingerlanerani pikkorissarnermut peqataanissamut periarfissaqarsimangillat?
5. Pikkorissarnerit ingerlanneqarsimanginnerat qanoq kinguneqarsimava?
6. Pikkorissarnerit ingerlanneqarsimanginnerat qanoq aaqqiissuteqarfigineqartussatut Naalakkersuisunit naatsorsuutigineqarpa?

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni apeqquteqarlunilu Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua